

CAMILLI PLAVTII

PAEZONIS IVRISCONSUL-
TI FONTANELLATENSIS

in Ticinensi Gymnasio ius

ciuile ordinarium in-

terpretantis.

Ad Illust. & Excell. Petrum Paulum Ar-
rigonum Cæsarei Senatus Me-
diolanensis Præsidem,

Commentaria,

Ad .I. vnic. C. de senten. quæ pro eo quod
interest profer.

VNUM NIHIL, DVOS



PLVRIMVM POSSE.

PAPIÆ.

APVD FRANCISCVM ET SIMONEM

MOSCHENIOS FRATRES.

M. D. LIII.



ILLAC PRÆCLARISSIMO²
VIRO PETRO PAVLO ARRIGONO
Cæsarei Senatus Mediolanensis
Præsidi Optimo Maximo.

CAMILIVS PLAVTIVS
Iurisconsultus salutem ac felicitatem

P.

D.



INCREDIBILE

est memoratu Præsides In-
clite quàm multa ab obtre-
ctatoribus, qui nouitati
meæ inuident, & hominem per se cogni-
tum nulla cõmendatione maiorum, in ali-
quo splendore uersari indignantur, com-
menta atq; conficta fuerint, ut me à scri-
bendo deterrere, inter cætera autem
cõminiscuntur iam tot & tanta summorũ
uirorum extare commentaria ad ius no-
strum explicandum atq; interpretandum
edita, ut nullus scribendi locus superesse
uideatur. Quo fit ut qui quicquã ulterius

A 2 moliatur,

CAMILLI PLAVTII IVRIS⁹
CONSULTI FONTANELLATENSIS
COMMENTARIA,

Ad .l. vnic. C. de senten. quæ pro eo
quod interest profer.

Verba legis sunt hæc videlicet.

C*VM* de eo quod interest, dubi-
tationes antique in infinitum produ-
ctæ sint, melius nobis uisum est, huiusmodi
prolixitatem, prout possibile est, in angu-
stum coarctare, sancimus igitur, in omni-
bus casibus, qui certam habent quantita-
tē, uel naturā, ueluti in uenditionibus, &
locationibus, & omnibus contractibus,
hoc quod interest, dupli quantitatem mi-
nime excedere. In alijs autem casibus,
qui incerti esse uidentur. Iudices, qui causas
dirimendas suscipiunt, per suam subtilita-
tem requirere. *V*t hoc quod re uera in-
ducitur, damnum, hoc reddatur, & non
ex quibusdam machinationibus, & im-
modicis

Sacerdote, qui pro rectore se gerebat ecclesie, ad quã huiusmodi domus pertinebat, defendebã eum in nihilo amplius teneri, quam ut laudemium rependeret, & pretium numeratum refunderet, hæc enim emptor non fuisset erogaturus si illum sciuiisset non esse uerum Rectorem, ad reliquum autem estimationis domus, quæ in immensum creuerat, non teneri respondi, quia si sciuiisset hunc sacerdotem non esse rectorem ab initio, non emisset, & sic lucri non fecisset huiusmodi augmentum, & sic non potest dici quod facto sacerdotis amittat huiusmodi lucrum, & hæc dicebam etiam presupposito quod dolus subesset, multo minus tenebitur si cesset dolus, ut dixi paulo supra, & presupposito casu in quo teneatur extra dolum, tamen non tenebitur supra duplum pretij conuenti, non autem ad totum pretium domus, quod in immensum creuerat, quia ille contractus habet certam quantitatem & ita fuit obtentum, & per hæc sit imposita manus extrema huic operi laboris pleno, in quo si quid quod mortalibus pro futurum sit, traditum est, gaudeo, si minus, doleo me minus potuisse, quam uoluerim, uosq; auditores carissimi, minus affecutos esse quam speraueritis, in futurum dabo operam ut meliora ex me in lucem prodeant, ualete, & plaudite.

F I N I S.

Series Chartarum.

A B C D E F G H I K L M N O P.

P, quinternus est, alij uerò quaterni.